

Gielddaráđđehus

Áigi 28.01.2026 dii 11:00 -**Báiki** Hybridačoahkkin, gielddadálu váldostivrasále dahje teams-heivehus**Čoahkkináššit**

Ášši	Bajilčála	Siidu
1	Čoahkkima lágalašvuohta ja mearridanváldi	3
2	Beavdegirjji dárkkisteaddjiid válljen	4
3	Bargoortnega dohkkeheapmi	5
4	Dili birra oanehaččat	6
5	Ruhtadili birra oanehaččat	7
6	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	8
7	Váldostivrra 17.12.2025 čoahkkima ollašuhttin	9
8	Gielddaráđđehusa giđa 2026 čoahkkimat	10
9	Ovddidanhoavdda virggi deavdin	11
10	Bušeakta ollašuhttinráva	12
11	Gielddaráđđehusa vuollásaš boadusovttadagaid mearreruhtajuohku, rehkegiid vuostáváldin ja dohkkeheaddjiid nannen	13
12	Stáhtaruhtaministeriija mearrádus gielddaid vuodđobálvalusaid stáhtaossodagas ja ruoktogieldabuhtadusa vuodđooasis jahkái 2026	14
13	Stivrenrávanuppástus, čuvgehusdoaibma	15
14	Stivrenrávanuppástus, ovddidan- ja birasdoaibma	18
15	Gáregasnjárgga boares dearvvasvuodadálu vuovdin	19
16	Asunto Oy Rievanradnu lanjadaga vuovdin	20
17	Ássama ovddidanguovlu Gieddemiellis	21
18	Skohtermáđii Sullamintie - Mantojärvi	24
19	Doaibmaorgánaid mearrádusat	28
20	Áššit diehtun	29

Oasseváldit

Mielde	Namma	Doaibma
	Tieva-Niittyvuopio Vuokko	ságajođiheaddji
	Moilanen Mateusz	várreságadoalli
	Tapiola Sari	lahttu
	Hekkanen Eemeli	lahttu
	Länsman Vesa	lahttu
	Rasmussen Riikka	lahttu
	Länsman Lávra	lahttu
	Laura Niittyvuopio-Valle	várrelahttu
	Kontinen Pirjo	várrelahttu
	Länsman Nilla-Pekka	várrelahttu
	Lukkari Sammol	várrelahttu
	Guttorm Urho	várrelahttu
	Heikurainen Laura	várrelahttu
	Kontio Oskari	várrelahttu
	Aikio Mika	váldostivrra ságadoalli
	Guttorm Väinö	váldostivrra I várreságadoalli
	Nordberg Aulis	váldostivrra II várreságadoalli
Eará	Kontio Päivi	gielddahoavda
	Länsman Marja	beavdegirjjičáli
	Orti-Berg Riitta	tulka

1
Čoahkkima lágalašvuohta ja mearridanváldi

Gr 28.01.2026

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus

2

Beavdegirjedárkkisteaddjiid välljen

Gr 28.01.2026

Mearrádusevttohus Válljet čoahkkimii guokte beavdegirjedárkkisteaddji.

Mearrádus

3
Bargoortnega dohkkeheapmi

Gr 28.01.2026

Mearrádusevttohus Gielddaráđđehus dohkkeha áššiid gieđahallanortnega
čoahkkima áššelisttu mielde.

Mearrádus

4

Dili birra oanehaččat

Gr 28.01.2026

Gielddahoavda muitala áigeguovdilis áššiid birra oanehaččat.

Mearrádusevttohus

Merkejuvvo diehtun.

Mearrádus

5
Ruhtadili birra oanehaččat

Gr 28.01.2026

Mearrádusevttohus Guldalit oanehaččat ruhtadili.

Mearrádus

6**Gávpenannejeaddji giddodatluohpadanalmmuhusat ja gieldda
ovdaoastinvuoigatvuoda geavaheapmi**

Gr 28.01.2026

Gildii leat boahtán 5 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea lassemateriálan.
Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddahusriektái.

Gieldda mearrádussii leat geavatkeahtá
ovdaoastinvuoigatvuoda ii oaččo ohcat nuppástusa váidimiin.

Mearrádusevttohus

Gielddaráđđehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

7

Váldostivrra 17.12.2025 ollašuhttin

Gr 28.01.2026
7/00.02.00/2026

Gieldalága mielde gielddaráđđehus vástida váldostivrra mearrádusaid lágalašvuoda bearráigeahčus.

Jos gielddaráđđehus oaidná, ahte váldostivrra mearrádus lea dahkkon boastto ortnegis dahje manná váldostivrra doaibmaválddi badjel dahje muđui lea lága vuostá, de gielddaráđđehus galgá guođđit mearrádusa ollašuitekeahtá. Ášši galgá dalán bidjat váldostivrii ođđasit giedahallamii.

Čuovusin váldostivrra čoahkkima áššelistu. Váldostivrra mearrádusat leat leamaš oaidnin láhkai 7.1.2026.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus gávnna, ahte váldostivrra mearrádusat leat lágalaččat ja ollašuhhttingelbbolaččat. Gielddaráđđehus čadaha ollašuhhtima.

Mearrádus

Čuvvosat

Čuovus 1 Váldostivrra_17-12-2025_Bovdehus

8

Gielddaráđdehusa giđa 2026 čoahkkimat

Gr 28.01.2026
4/00.02.01/2026

Ohcejoga gieldda hálddahunjuolggadusa 126 § mielde doaibmaorgána mearrida čoahkkimiiddis áiggi ja báikki.

Čoahkkin dollojuvvo maiddái dalle, go ságadoalli oaidná čoahkkima dárbbaslažžan dahje eanetlohku doaibmaorgána lahtuin dahká ságadoallái evttohusa čoahkkima doallamis dan ášši gieđahallama várás, man leat almmuhan. Dákkár dilis ságadoalli mearrida čoahkkináiggi.

Ságadoalli sáhtta ákkastallon siva geažil šluhttet čoahkkima.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus mearrida giđa 2026 aitosáš čoahkkinbeivviid 24.2.2026, 31.3.2026, 7.5.2026 ja 9.6.2026. Gielddaráđdehus sáhtta dárbbu mielde doallat badjelmearálaš čoahkkimiid. Čoahkkimat dollojit gielddadálus dii. 13.00 rájes hybridačoahkkimin.

Mearrádus

9

Ovddidanhoavdda virggi deavdin

Gr 28.01.2026

175/01.01.00.01/2025

Gielddaráđđehus almmuhii ovddidanhoavdda virggi ohcanláhka 2.12.2025 § 221. Ohcanalmmuhus biddjui gieldda www-siidduide, Inarilaš-bláđđái ja Kuntarekry.fi ja Mol.fi bálvalusaide.

Virggi ohcanáigi nogai 11.1.2026. Kuntarekry.fi -bálvalusa bokte bohte mearreáiggis 17 ohcamuša. Lassin 1 ohcamuš doaimmahuvvui šleađgapoasttain.

Ohcanalmmuhus ja ohcanáššegirjiid kopiiijat leat lassemateriálan. Álgoálgosaš ohcamušáššegirjiid leat oaidninláhka čoaččim.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida guhte ohccin bovdejuvvojit jearahallamii. Gielddaráđđehus doallá jearahallamiid 4.-5.2.2026, ja daidda bovdejuvvojit maidái áirasat mielde. Gielddaráđđehus addá gielddahovdii vuoigatvuođa soahpat jearahallamiid geavatlaš ordnemiid birra ovttas jearahallamii bovdejuvvon olbmui.

Mearrádus

10**Bušehta ollašuhhtinráva**

Gr 28.01.2026
5/02.02.02/2026

Váldostivra lea čoahkkimis 17.12.2025 § 77 dohkkehan bušehta jahkái 2026 sihke ekonomiiaplánaid jagiide 2026 - 2028.

Hálddahunjuolggadusa 61 § mielde gielddaráđdehus galgá dohkkehit bušehta ollašuhhtinrávvaga váldostivrra bušehttagieđahallama maŋŋá.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus dohkkeha bušehta ollašuhhtinrávvaga jahkái 2026 nu mo lea čuvvosis.

Mearrádus

Čuvvosat

Čuovus 2 Bušehta ollašuhhtinráva jahkái 2026

11**Gielddaráđđehusa vuollásaš boadusovttadagaid mearreruhtajuohku, rehkegiid vuostáiváldin ja dohkkeheaddjiid nannen**

Gr 28.01.2026

6/02.00.00/2026

Hálddahunjuolggadusa 61 § mielde gielddaráđđehus ja lávdegottit dohkkehit bušehtii vuodđuduvvi geavahanplánaidis.

Doaibmaorgána meroštallá duhtosiid ja rehkegiid vuostáiváldiid ja dohkkeheaddjiid dohkkehit bušehta mielde.

Čoahkkimis lea oaidnin láhkai gielddaráđđehusa vuollásaš doaimmaid mearreruhtajuohku gielddaráđđehusa bušehta mielde.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nanne gielddaráđđehusa vuollásaš doaimmaid mearreruhtajuohkima ja nammada mearreruhtačuovvuma vástoolbmuid ja rehkegiid vuostáiváldiid ja dohkkeheaddjiid.

Mearrádus

12

Stáhtaruhtaministeriija mearrádus gielddaid vuodđobálvalusaid stáhtaossodagas ja ruoktogiieldabuhtadusa vuodđooasis jahkái 2026

Gr 28.01.2026

8/02.00.00/2026

Stáhtaruhtaministeriija lea gieldda vuodđobálvalusaid stáhtaossodagas addojuvvon lága 45 § vuodul mieđihan gielddaide gielddaid vuodđobálvalusaid stáhtaossodaga ja mearridan gielddaid vearovuodđonuppástusain šaddan vearroboahtomanahusaid buhttemis jahkái 2026 mearrádusa 18.12.2025 VN/35064/2025 mielde (siidomateriálan).

Dan lassin stáhtaministeriija lea gieldda vuodđobálvalusaid stáhtaossodagas addojuvvon lága 35 § 6 momeantta vuodul mearridan gielddaid jagi 2026 ruoktogiieldabuhtadusa vuodđooasis mearrádusa 18.12.2025 VN/35065/2025 mielde (siidomateriálan).

Jus gielda lea duhtameahttun stáhtaministeriija mearrádusaide, das lea gieldda vuodđobálvalusaid stáhtaossodagas addojuvvon lága 51 § vuodul vuoigatvuohta golmma mánotbaji siste das, go lea ožžon dieđu mearrádusas, dahkat čálalaš vuigengáibádusa stáhtaruhtaministerijai.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus dohkkeha stáhtaruhtaministeriija mearrádusa vuodđobálvalusaid stáhtaossodagas ja ruoktogiieldabuhtadusa vuodđooasis jahkái 2026.

Mearrádus

13

Stivrenrávanuppástus, čuvgehusdoaibma

Gr 28.01.2026

87/00.01.01.00/2024

Ohcejoga gieldda stivrenráva lea dohkkehuvvon váldostivrras 17.12.2025. Čuvgehusdoaimma oasil gávnnavuvui, ahte doaibmasuorggi ovddasvástádusa juohkima galgá dárkkálmahttit. Lasihit stivrenrávvagii § 19 Čuvgehusdoaimma bargoveahkaorganisašuvnna ja dan maŋŋá paragrafanummárastimiid teknihkalaš nuppástussan.

§ 19 Čuvgehusdoaimma bargoveahkaorganisašuvdna

Buresveadjinhoavda

Jodíha čuvgehusa doaibmasuorggi, ja buresveadjima ja dearvvasvuoda ovddidanbarggu, mii lea gieldda ovddasvástádus. Čuvgehusa doaibmasuorgái gullá árrabajásgeassin, skuvlejupmi, nuoraid-, lihkadan- ja kulturbargu, girjerádjju ja rávesolbmuidskuvla.

Buresveadjinhoavda doaibmá čuvgehusdoaibmasuorggi hálddahushoavdan, čuvgehuslávdegotti áššemeannudeaddjin, ja son lea gieldda stivrenjoavkku lahttu. Gieldda bargosuodjalahoavdan doaibmá buresveadjinhoavda.

Buresveadjinhoavda vástida

- čuvgehusa doaibmasuorggi ja buresveadjima ja dearvvasvuoda ovdánahttima bušeahta válmmaštallamis ja dohkkehuvvon bušeahta ollašuhttimis, čuovvumis ja raporteremis
- doaibmasuorggis doaimma gánnáhahttivuodas, ovddideamis ja jodiheamis
- doaibmasuorggis bargoveahka- ja ekonomijahálddahasas
- čanastatjoavkoovttasbarggus ja gulahallamis
- boarrásiid- ja lápmásiidráđi barggus
- skuvlasáhttomearrádusain ásahusaid ja čuvgehuslávdegotti linnjemiid mielde ja gaskaboddosaš skuvlasáhttomearrádusain, mat dahkkojit dearvvasvuoda sivaid geažil.

Rektor

Vástida skuvllaid pedagogalaš jodiheamis ja hálddahusa ja doaimmaid jodiheamis ja skuvlaservoša dorvvolaš doaimmas mihttomeriid mielde.

Vástida ovda- ja vuodđooahpahusa / logahaga bargosuorggis, ekonomijja plánemis ja čuovvumis ja ovdánahtta bargosuorggi doaimmaid. Rektor vástida skuvllaid bargoplánain, lohkanortnegiin,

statistihkain. Doaibmá hoavdan skuvllain, vástida sadjásašordnedemiin ja oahpásmuhttimiin. Vástida skuvllaid dorvvolašvuodas, sajiin ja gálvvuid geavaheamis.

Dan lassin rektor

- vástida oahppogeatnegasvuoda ollašuvvamis ja dahká áššái gullelaš mearrádusaid vuodđooahpahusa / logahaga oahppiid oasil
 - váldá ovda- ja vuodđooahpahussii oahppiid / logahaga oahppiid
 - gohcá studeantta oahppogeatnegasvuoda čađaheami ja mearrida doaibmabijuin oahppogeatnegasvuoda healbademiid hárrái
 - vástida ruoktooahpahusas leahkki oahppi oahppogeatnegasvuoda ovdáneami gohcimis
 - vástida oahppama doarjaga, árvvoštallama ja oahppiidfuolahusa ordnema jodiheamis
 - dahká mearrádusaid oahppiid oahpahusa ordnemis, rángumis ja skuvlavázzimis
 - nanne oahppi / studeantta duođaštusa oahppomeari čađaheamis
 - mieđiha oahppái / studentii lobi gaskaboddosaš, badjel 5 beaivvi eretorrumii
 - mearrida ákkastallojuvvon sivas oahpahusbarggu almmolašvuoda ráddjemis
 - mearrida oahpaheaibargobeivviid ordnemis ja buhttemiin
 - vástida oahpaheadiehtoskoviin ja oahpaheaddjiid mearrejahkebajidanmearrádusain
 - vástida eahketbeaidoaimmas, jus dat ordnejuvvo gielddas / skuvllas
 - vástida ruovttu ja skuvlla gaskasaš ovttasbarggus
 - vástida iežas oasil čanasjoavkodoaimmas gieldda siskkáldas ja olgguldas ovttasbargofierpmádagain
- Rektora barggut ja bargoáigi heivehuvvo skuvllaid meari, sturrodaga ja erenomášbargguid mielde.

Veahkkehoavda

Mearrida daid skuvllaide guoski áššiin, maid buresveadjinhoavda ja rektor leaba mearridan veahkkehovdii ja mat skuvlla plána mielde dahje muđui gullet veahkkehovdii. Veahkkehoavda vástida iežas ovttagada beaivválaš doaimmas.

Árrabajásgeassinhoavda

Vástida gieldda árrabajásgeassima ollislaš jodiheames. Barggus deattuhuvvojit pedagogalaš jodiheapmi, doaimma lágavuloš ja bargiid-, ekonomija- ja hálldahusjodiheapmi.

Árrabajásgeassinhoavda

- jodiha ja ovddida árrabajásgeassima pedagogalaš doaimma riikkaviidosaš ja báikkálaš árrabajásgeassinplánaid mielde
- vástida pedagogalaš kvalitehta árvvoštallamis ja ovddideamis
- bagada, doarju ja gohcá pedagogalaš ollašuvvama ovttagagain ja fuolaha máná ovddu, ovtaveardásašvuoda ja inklušuvvna ollašuvvamis

- vástida árrabajásgeassima plánemis, gohcimis ja árvvoštallamis
- bargá árrabajásgeassinovttadagaid bargiid hoavdan, vástida bargiidresurssain, máhtu ovdánahttimis, bargovuoruid plánema ollisvuođas ja sadjásašordnedemiin.
- vástida árrabajásgeassima ekonomiija plánemis, ollašuhttimis ja gohcimis
- dahká árrabajásgeassinmearrádusaid ja mearrádusaid áššehasmávssuin gustovaš lága ja čuvgehuslávdegotti linnjemiid mielde
- vástida sajiin ja gálvvuid geavaheamis ja doaibmanbirrasa dorvvolašvuođas ja dearvvaslašvuođas.
- vástida árrabajásgeassima fidnuin ja daidda gullevaš ovttasbarggus.
- vástida árrabajásgeassima áššehas- ja bargiidhálddahusa vuogádagaid geavaheamis ja ahte dat leat áiggi dásis.
- searvá dárbbu mielde árrabajásgeassima pedagogalaš doimmaide árrabajásgeassima bargguin

Asttuáiggekoordináhtor

Jodíha asttuáiggedoaimma, masa gullet nuoraid-, lihkan- ja kulturdoaimma ja girjerádjá.

Vástida árrabajásgeassima bargosuorggis, ekonomiija plánemis ja čuovvumis ja ovdánahtta bargosuorggi doaimmaid. Vástida fidnuid ohcamis, daid ekonomiijas ja raporteremis. Vástida oasil asttuáiggedoaimma sajiin ja gálvvuid geavaheamis. Vástida iežas oasil čanasjoavkoovttasbarggus.

Doaibmá asttuáiggedoaimma bargiid hoavdan ja stivre ovttasbargofitnodatdoalliid.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus dohkkeha lasáhusa stivrenrávvagii čuvgehusdoaimmasuorggi ovddasvástádusa juohkimis ja evttoha ain váldostivrii dohkkehanláhka.

Mearrádus

14

Stivrenrávanuppástus, ovddidan- ja birasdoaimma

Gr 28.01.2026

87/00.01.01.00/2024

Ohcejoga gieldda stivrenráva lea ođasmahtton ja dohkkehuvvon váldostivrras 17.12.2025. Váldostivrra čoahkkima maŋŋá lea šaddan dárbu čielggasmahttit stivrenrávvaga teknikkalaš doaimma buohta. Sihkkut dohkkehuvvon stivrenrávvagis 5 logus 24 § Gielddaráđđehusa barggut ja doaibmaváldi oasit 8-14 ja buhttet daid ná:

- huksenlága 57 § mielde spiehkkananlobi miediheapmi
- huksenlága 58 § mielde guvllolaš spiehkkananlobi mearrideapmi.

Stivrenrávvaga oassi 26 § Ovddidan- ja biraslávdegotti barggut ja doaibmaváldi sihkkojuvvojit oasit 11-24 ja buhttet daid ná: Ovddidan- ja biraslávdegoddi doaibmá huksenlága RakL 751/2023) ja dan ovdalaš eatnangeavahan- ja huksenlága mielde huksengohcin- ja lohpevirgeoapmahažžan. Ovddidan- ja biraslávdegotti čoavdin- ja doaibmaváldái gullá lassin RakL:a ja eará dan vuodul addon ásašusaidda ja mearrádusaid áššit, maid doaibmaválddalaš bealli lea gielda, gieldda mearridan virgeoapmahaš dahje gieldalaš doaibmaorgána, earret RakL 57 § mielde spiehkkananlobi ja RakL 58 § mielde guvllolaš spiehkkananlobi. Ovddidan- ja biraslávdegoddi vástida guovlluideavahanlága (752/2023) njuolggadusaid ja mearrádusaid čuovvuma gohcimis huksenbearráigeahču virgeoapmahažžan.

Ovddidan- ja biraslávdegotti mearridanvándái gullet guovlluideavahanlága (752/2023) mielde geainnuid dikšun áššit. Ovddidan- ja biraslávdegoddi vástida čujuhusvuogádaga bajásdoallamis doaresbealeguovlluin sajádatlávdegovvulluid olggobealde.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha nuppástusaid válmmaštallama mielde ja evttoha daid ain váldostivrii dohkkehanláhkai.

Mearrádus

15**Gáregasnjárgga boares dearvvasvuodadálu vuovdin**

Gr 28.01.2026
2/02.07.00/2026

Lappi buresveadjinguovlu lea láigohan Gáregasnjárgga boares dearvvasvuodadálu 31.12.2025 rádjai, ja dán maŋŋá dat lea sirdásan ruovttoluotta gieldda fuolahussii. Dearvvasvuodadállu lea huksejuvvon jagis 1979 ja dasa lea biddjon eanaliekkas jagis 2015. Dálus lea dahkkon jagis 2018 tehnikkalaš árvoštallan das makkár ortnegis dálle lea. Árvoštallama lea dahkan Granlund Consulting fitnodat. Dálle lea dál guorus ja doppe lea alde vuodđoliekkas. Ohcejoga gielddas ii leat atnu dálle.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida, ahte Gáregasnjárgga boares dearvvasvuodadállu vuvdojuvvo almmolaš čuorvasgávppis. Gielddainšenevra meroštallá vuodđohatti, mii vuodđuduvvá materiálii, mii gávdno. Vuovdináigi galgá leat almmolaš čuorvasgávppis guokte mánotbaji. Vuovdináigi 16.2.-19.4.2026

Mearrádus

16**Asunto Oy Rievanradnu lanjadaga vuovdin**

Gr 28.01.2026

9/10.04.00/2026

Ohcejoga gielda oamasta Asunto Oy Rievanradnu nammasaš visteoasussearvvis 47 m² lanjadaga, mas lea 2 h + kk+ s. Juohke lanjadagas lea dan lassin galbma rádju 5-6,5 m². Ássanviesu čujuhus lea Ringi 6. Ássanviessu leamašan láigohuvvon gieldda bargiide guhkesáigge láigoheamis.

Go váldá vuhtii gieldda ekonomalaš dili, lea jierpmálaš figgat realiseret gildii vealttakeahtes giddodagaid, biergasiid ja dál dán vistti.

Áššemeannudeaddji Gielddahoavda Kontio Päivi

Mearrádusevttous Gielddaráđđehus mearrida, ahte Asunto Oy Rievanradnu oasusvisttit vuvdojuvvojit. Gielddaráđđehus fápmuda ovddidan- ja biraslávdegotti válmmaštallat oasusvisttiid vuovdima ja bivdit opmodatsoabadallis árvvoštallama oasusvisttiid árvvus. Oasusvisttiid hatti meroštallamis vuodđun geavahuvvo haddi, man opmodatsoabadalli meroštallá. Oasusvisttit vuvdojuvvojit rabas gávpin.

Mearrádus

17

Ássama ovddidanguovlu Gieddemiellis

ealteknlg 24.04.2025 § 62

Válmmaštalli

Eallinfápmohoavda Tanja Lepistö

Ássama ođđasishuksen Ohcejogas lea leamaš manimus badjelaš vihtta jagi hui unnán. Kiinteistö Oy Ringinvatros lea alla geavahanmearri dan oamastan viesuin, ja fitnodagas eai leat makkárge plánat hukset ođđa viesuid lagaš boahtteáiggis. Gieldda viessovuodđu lea oppalaččat boaris ja viesut leat vánis.

Giđđat 2024 dahkkon ássama jearahallamis bođii ovdan, ahte dárbu lea vuollel 100 njealjehasmehtera viesuide sihke smávva bearašviesuide ja earenoamáš sávaldahkan lei johkaoainnus. Vástideaddjiin ledje ollu dakkárat, geat hálidit iešeaiggátlanjadaga.

Gielda lea čatnasan figgat turismma ovddideami vehkiin lasihit vearroboađuid miljovna euro, jos dat ollašuvvá dárkkuha ahte giddoatvearro-, dienasvearro- ja searvvušvearroboađut lassánit mearkkašahtti ollu. Go ovddideapmi álggahuvvo de guvlui bohtet ođđa bargosajit nu turisma suorgái go eará doaibmasurggiide. Daningo Ohcejogas lea buorre bargodilli, de oaivvilduvvo ahte gielddas leat ođđa olbmot, mii fas lasiha viessodili buorideami dárbbu.

Ohcejo gielda oamasta girkosiiddas giddodaga 890–401–82–0. Dan nuortta bealde lea giddodat 890–401–12–15 man oamasta Kiinteistö Oy Ringinvatro ja gos leat Ringinvatro ráidodálut ja maid Luondduriggodatguovddáša doaibmalanjat .

Gieddemiellis Ringinvatro ja priváhta eanaeaiggáda giddodagaid (890–401–82–1) huksehusaid gaskii báhcá eanaviidodat, hábme sullii 4700 m² oktilaš huksekeahtes viidodaga. Dat lea Ohcejoga gilis áidna gieldda dahje gieldda oamastan fitnodaga eanaviidodat mii lea Deanu gáttis.

Dán áššáiguoskevaš oktilaš eanaviidodahkii sáhtášii hukset 4–5 smávaviesu (viidodat 110 m² dahje unnit) biillasuodji/vuorkávisti, go visttit biddjojít doarrás johkagátte ektui.

Ráhkademiin dán namuhuvvon eanaviidodahkii ássanguovllu mas leat sullii vihtta smávva bearašviesu dahje eará viesut, masa válljet hukseheadđji. Ná livččii vejolaš láchit positiivvalaš návcca gieldda viessohuksema ovddideapmái.

Áššemeannudeaddji

Eallinfápmohoavda Lepistö Tanja

Mearrádusevttohus Eallinfápmo- ja tehnikkalaš lávdegoddi evttoha gielddaráđđehussii, ahte dat namuha dás válddahallon eanaviidodaga sullii viđa viesu vistebuvttadeami ovddidanguovlun, čađaheapmi biddjo johtui.

Mearrádus Čoahkkimis dollojuvvui gaska dán ášši gieđahallama áigge dmu 15:20-15:27.
Pirjo Konttinen evttohui, ahte gv. eanaviidodat namuhuvvo vistebuvttadeami ovddidanguovlun mearreáigái, golbma (3) jagi. Anni Ahlakorpi, Kirsi-Marja Wargh, Mika Aikio, Eemeli Hekkanen ja Sammol Lukkari guottihedje Pirjo Konttisa evttohusa. Lávdegoddi dohkkehii ovttaielalaččat mearrádusevttohusa oktan Pirjo Konttisa evttohan lasáhusain.

Gr 05.05.2025 § 83
70/14.01.00/2025

Áššemeannudeaddji Gielddahoavda Päivi Kontio

Mearrádusevttohus Eallinfápmo- ja tehnikkalaš lávdegoddi evttoha gielddaráđđehussii, ahte dat namuha dás válddahallon eanaviidodaga sullii viđa viesu vistebuvttadeami ovddidanguovlun, čađaheapmi biddjo johtui. Namuheapmi lea mearreáigásaš 3 jahkái.

Mearrádus Gielddaráđdehus mearridii sirdit ášši gieđahallama 17.2.2025 čoahkkimii.

Gr 28.01.2026
70/14.01.00/2025

Ohcejoga gielda lea sádden 21.12.2025 reivve “Láigolačča gullan eananláigohansoahpamuša opšuvdnaeavttu geavaheames”. Ášši guoská 13.11.2013 ráhkaduvvon eananláigohansoahpamuša tonttes 890-401-82-0. Soahpamuš lea vuolláičállojuvvon ja ráhkaduvvon Ohcejoga gielda ja Eräkontio gaskka.
Mearreáigái 14.1.2026 rádjai gielda ii ožžon vástádusa Eräkontios ahte dat háliidivččii geavahit eananláigohansoahpamuša opšuvnna. Go gielda ii leat ožžon vástádusa gullanbivdagii ovddabealde máinnašuvvon
mearreáiggi siste, gielda geahččá ahte dat lea deavdán eananláigohansoahpamuša gullangeatnegasvuoda. Dalle dulkot nu ahte láigolaš lea vástitkeahtá guođedettiin luohpan iežas gullanrievttis eananláigohansoahpamuša opšuvdnaeavttus.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus nammada ovddidan- ja biraslávdegotti evttohan eanabihtá sullii viđa vistti vistebuvttadeami ovddidanguovlun, man doaibmabidju álggahuvvo. Nammadeapmi lea mearreáigásaš 3 jahkái.

Mearrádus

18

Skohtermáđii Sullamintie - Mantojärvi

Gr 21.10.2025 § 190

Kakslauttanen Arctic resort Oy ja Jussi Eiramo leat almmuhan , ahte háliidit ráđđádallat Sullamintie-Mantojärvi gielkáluoddasoahpamuša sirdimis gieldda nammii. Dát lea leamaš maiddái jurdda dalle, go namuhuvvon mohtorgielkáluotta leat álgán plánet, muhto dalle leat goitge mearridan juoga sivas dahje nuppis, ahte turismafitnodatdoalli váldá mohtorgielkáluotta iežas nammii. Ággan dasa, ahte gielda livččii váldán jearaldatvuloš báikki iežas nammii, lei dat, ahte dan geavahivčče earáge Ohcejoga turismafitnodagat ja maid gieldda olbmot. Gieldda olbmot ledje lassin plánen gielkáluotta johtit Ovllá gávppi lusa Ohcejoga guovddážii.

Gielkáluottas mii manná J. Eiramo heargevuodjinsajis Máttajávrrí gáddái báhpa beitosisbartii lea J. Eiramo ja Meahciráđđehusa gaskkas gielkáluoddasoahpamuš, mii nohká 2033 jagi loahpas. Dán luotta lea vejolaš buoridit nu mo 2023 čakčat dahkkon eanageahčadeamis lea ovdanbukton.

Čakčat 2025 goaivunmašiidnaagoartabargi lea fitnan geahččamin ja fuomášahtán ahte Máttaguoikka ii dárbbas rasttildit goaivunmašiinnain numo ovdal lei plánejuvvon ja gielkáluotta ráhkadanbarggu várás bargoreaidduid sáhtta sirdit duoddara beale. Eahpečielggas goit vel lea Máttaguoikka máttabealde geassit 2024 fuomášuvvon johkaskálžu dilli. Johkaskálžu lea meroštallon hui áitatvuložin ja dat lea erenoamážit suodjaluvvon ja ráfáidahttojuvvon šládja (LSA 2023/1066, čuovus 1 ja 6) man eaktodáhtolaš goddin dahje bivdin lea gildojuvvon Johkaskálžu lea dasa lassin EU luonddudirektiivva čuovus II ja V šládja, man buorre suodjalandási ferte viggat seailluhit dahje máhcahit. Ovdalis máinnašuvvon vuodul ELY-guovddáš lea cealkán cealkámušastis, ahte jearaldatvuloš linnjemis, huksemis ja geavaheamis galgá sihkkarastit, ahte johkaskálžu ii vaháguhtto. Linnjemis galgá dasa lassin váldit vuhtii vejolaš erošuvdnariskka johkamilliin ja sihkkarastit, ahte johtolaga huksen dahje geavaheapmi ii moive čázádaga.

Jos lea dárbu rasttildit Ohcejoga huksenáigodagas, de ávžžuha, ELY-guovddáš bargoreaidduid fievrredit dallego go jogas lea jiekŋa. Jos lea dárbu rasttildit joga mašiinnain geassečázi áigge, de galgá dan viidodaga masa mašiinna váikkuhus guoská, gártet johkaskálžžuid ja sihkkarastit ahte šládja suodjalanákkat eai riskerejuvvo. Jos johkaskálžu fuomášuvvo viidodagas gosa váikkuhus guoská , galgá sihkkarastit, ahte bargomuttuin šaddan čavgaávnasnoađi ja moivašuvvan eai vahágahte skálžžuid.

Ely-guovddášis ja Meahciráđđehusas ožžojuvvon dieđuid vuodul, Máttaguokkas eai leat johkaskálžžut gártejuvvon geassit 2025. Ášši gal ain čielggaduvvo .

Áššemeannudeaddji Gielddahoavda Päivi Kontio

Mearrádusevttohus Gielddaráđđehus ságastallá gielkáluotta sirdimis turismafitnodatdoallis gildii ja mearrida ságastallama vuodul joatkkadoaibmabijuin.

Čoahkkimis addojuvvon mearrádusevttohus

Gielddaráđđehus mearrida, ahte gielkáluotta válmmaštallan gildii jotkojuvvo čuovvovaš eavttuiguin:

- Gildii eai oaččo šaddat gielkáluotta sirdimis golut
- Vejolaš bajásdoalu galgá gokčat geavahanmávssuiguin
- lešguđetlágan ovddasvástádusáššiid gielkáluotta bajásdoalus berre čielggadit ovdal mearrádusa dahkama
- Joatkkaválmmaštallamis vástida gielddahoavda ovttas teknikkalaš doaimmain
- Evttohus buktojuvvo gielddaráđđehussii njukčamánu 2026 loahpa rádjai.

Mearrádus Čoahkkimis addojuvvon mearrádusevttohus dohkkehuvvui.

Merkejuvvui beavdegirjái, ahte ovdal mearrádusa dahkama dollojuvvui boddu dmu 13.35-13.45. Bottu maŋŋá ságadoalli čađahii nammačuorvuma ja gávnnahuvvui, ahte čoahkkimis leat mielde ain seamma olbmot go álgosaš nammačuorvumis

Gr 28.01.2026
155/00.04.00/2025

Gielkáluotta sirdin gieldda nammii, go geavahanvuoigatvuohtasoahpamušbadji lea gaskan, lea vejolaš jus guktot oassebealit nappo gielda ja gielkáluotta geavahanvuoigatvuođa oamasteaddji fitnodat almmuhit áššis Meahciráđđehussii. Luotta vuodđoláigu lea 500 € kaleandarjagis ja dat lea čadnojuvvon eallingolloindeksii. Dan sáhtašii gokčat luotta geavahanmávssuiguin.

Áššis galgá earuhit luotta ja máđija.

Gielkáluotta vuodđudeapmi (eahpervirggálaš luodda)

“Gielkáluodda” lea dábálaččat eahpevirggálaš jođáhat, mii vuodđuduvvá eanaeaiggáda miehtamii dahje lohpi. Dákkár luotta alde johtimii heivehuvvojit eanadagas johtima njuolggadusat, ja vuodjimii dárbbášuvvo dábálaččat lobi miediheadji (luotta doalli) sierra lohpi.

Eanaeaiggáda lohpi: Eanadagas, maiddá bealdduin ja stáhta eatnamiin, mohtorgielkkáin johtimii dárbbášuvvo álo eanaeaiggáda dahje eatnama hálddašeaddji lohpi. Stáhta eatnamiin lobi miediha dábálaččat Meahciráđdehus.

Virggálaš gielkámáđija vuodđudeapmi (mii vuodđuduvvá láhkii)

Virggálaš gielkámáđii lea geaidnojohtolatlágas oaivvilduvvon geaidnu. Dat lea oaivvilduvvon bistevas gielkájohtolahkii, mas leat čavggat gáibádusat ja virggálaš proseassa. Máđija sáhtta vuodđudit jus dat dárbbášuvvo almmolaš johtolatoktavuođa dahje virkkosmangeavaheami dihtii, iige dat hehte mearkkašahtti láhkai eanaeaiggáda dahje boazodoalu.

Proseassa ovdána dábálaččat ná:

1. Máđiiplána: Máđija vuodđudeami ovdal galgá dahkat čálalaš máđiiplána, man dohkkeheamis mearrida gielda birassuodjalanviergeoapmahaš. Plánas meroštallo gokko máđii johtá, bisánan- ja fuolahanguovllut ja giddodagat, maid bokte máđii johtá.
2. Soahpamuš dahje doaimmahus:
Soahpamuššii vuodđuduvvi máđii: Máđii vuodđuduvvo čálalaš soahpamušain eanaeaiggáda ja máđija doalli gaskkas.
Soahpamuššii vuodđuduvvi máđija sáhtta bivdagis merket giddodatregistarii.
Máđijadoaimmahus: Jus máđii vuodđuduvvo buot eanaeaiggádiid miehtama haga almmolaš dárbbu várás, galgá ohat máđijadoaimmahusa eananmihtidanlágádusas jagi siste das go máđiiplána lea boahtán lágalaččat fápmui.
3. Golut ja buhtadusat: Máđija doalli vástida dábálaččat doaimmahangoluin ja vejolaš hehttehus- dahje vahátbuhtadusain eanaeaiggádiidda dahje bálgosii boazodoalloguovllus.
4. Eanadahkii merken: Máđija doalli oažžu váldit máđija atnui, go plána lea lágafámolaš, buhtadusat leat máksojuvvon ja máđii lea merkejuvvon eanadahkii áššáigullevas mearkkaiguin.

Eastagat máđija vuodđudeapmái:

Gielkámáđija sáhtta vuodđudit fuolakeahtta eanaguovllu dahje čáhceguovllu oamasteaddji dahje hálddašeaddji miehtamis, jus máđija vuodđudeapmi lea dárbbášlaš almmolaš johtolatoktavuođa ráhkadeami dihtii dahje almmolaš virkkosmandoaimma dáfus iige

máđii hehtte eanaguovllu oamasteaddji dahje hálddašeaddji iige boazodoalu mearkkašahtti láhkai.

Jus gielda mearrida ahte dát luodda sirdojuvvo gieldda nammii, investerenplánas lea várrejuvvon mearreruhta luotta divvumii geavahanortnegii. Gielkáluotta dikšumis vástidivččii ovddidan- ja birasdoaibma ja dat váldošii vuhtii jagi 2027 bušeahtas.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida áššis čoahkkimis čielggadeami vuodul.

Mearrádus

19

Doaibmaorgánaid mearrádusat

Gr 28.01.2026

Lávdegottiid beavdegirjjit galget doaimmahuvvot gielddahovdii njealji beaivvi siste beavdegirjji dárkkisteamis. Gielddaráđđehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálldašeaddji mearrádusaide. Váldinmearrádusa sáhhtá dahkat gielddaráđđehus dahje dan ságadoalli, gielddahoavda dahje stivrennjuolggadusas mearriduvvon virgehálldašeaddji. Váldinvuoigatvuođa galgá geavahit manjimustá njulgengáibádusáiggi siste. Geavadis gielddahoavda dárkkista lávdegottiid mearrádusaid. Go gielddaráđđehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjjit diehtun ja seammás mearriduvvo, ahte váldinvuoigatvuohta ii geavahuvvo beavdegirjjiid sisdollui gullevaš áššiin. Beavdegirjjiid kopijiat eai laktojuvvo gielddaráđđehusa beavdegirjái, muhto dat galget leat lahtuid geavahusas gielddaráđđehusa čoahkkimiin.

Čuovvovaš doaibmaorgánaid beavdegirjjit leat oaidnin láhkai čoahkkinbáikkis: Eallinfápmo- ja tehnikkalaš lávdegoddi 15.12.2025, Čuvgehuslávdegoddi 16.12.2025 ja Ovddidan- ja biraslávdegoddi 22.1.2026.

Mearrádusevttohus

Gielddaráđđehus merke diehtun doaibmaorgánaid mearrádusaid ja gávnaha, ahte GiellaL 51 § váldinvuoigatvuohta ii leat geavahuvvon.

Mearrádus

20**Áššit diehtun**

Gr 28.01.2026

Mearrádusevttohus	Gielddaráđdehus merke diehtun čuovvovaš áššebáhpáriid:
EBJ Lappi	- Huksensuodjalusmearrádus, Ohcejoga ovddeš polesstašuvdna, Ohcejohka
Anára gielda	- Lahtuid nammadeapmi teknikkalaš lávdegotti vuollásaš birasjuhkossii doaibmabadjai 1.6.2025-31.5.2029
Lappi buresveadjinguovlu-	Seangaossodatbáikkiid dárbu lea geahppánan - geavahanmearri ii badjánivččii kriittalaččat - Guovlohálddahuš dohkkehii Mehiläis-soahpamuša eretcealkima ja gáibida Lappi guovddášbuohcceviesu buoridit gánnáhahttivuođas - Guovlohálddahuš čoahtkindieđáhus 1.12.2025 - Guovlohálddahuš čoahtkindieđáhus 3.12.2025 - Guovlohálddahuš evttoha bušeahta, mii lea dán muttus 6 miljovna minusis: Doaibmangolut geahppáneamen hattiid ja báikkáid badjáneamis fuolakeahhtá - Guovlohálddahuš čoahtkindieđáhus 8.12.2025 - Guovlohálddahuš čoahtkindieđáhus 15.12.2025
Lappi lihttu	- Beavdegirji válddus; Lappi lihtu bušeahta 2026 ja ekonomiiaplána 2027-2028 - Lappi lihttu váldostivrra beavdegirji 1.12.2025 - Lappi lihttu stivrra beavdegirji 15.12.2025 - Lappi lihtu dohkkehii Lappi-soahpamuša ja evttohuvvon bušeahta jahkái 2026
Meahciráđdehus	- Spiehkaseapmi ráfáidahtton ealánšlaja ráfáidahttimis, lohpi spiehkkašit ráfáidahttinjuolggadusain johkaskálžžu buohta, Lappi eanangoddi, mearrádus LAPELY/4413/2025
Soađegili gielda	- Davvi- ja Nuorta-Lappi barggolašvuodaguovllujuhkosa beavdegirji 27.11.2025 - Gáregasnjárgga biokompostora guovllu dárkkisteapmi 6.8.2025 - Birasjuhkosa beavdegirji 11.12.2025

Stáhtaruhtaministeriija - Gielddaid árvvoštallanvuloš stáhtaossodaga bajideami
mieđiheapmi jagi 2025

Mearrádus